



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 9 DE SU 25/01/2023

OGETU: *ADESIONI A INVITALIA A S' ACÒRDIU CUADRU PO S' AFIDAMENTU DE IS TRABALLUS M4 C1 INV. 1.1 PNRR. DIRETIVAS A IS UFÌTZIUS.*

S' annu 2023, su 25 de su mesi di Gennàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

| Nòmini e Sangunau | Càrriga | Presenti |
|--------------------------|----------------|-----------------|
| Beniamino Garau | Sìndigu | Eja |
| Dessi Donatella | Assessori | Eja |
| Frongia Pietro | Assessori | Eja |
| Montis Giovanni | Assessori | Eja |
| Sorgia Silvia | Assessori | Eja |
| Solinas Marco | Assessori | No |
| Garone Katuscia | Assessori | Eja |

Presentis: 6

Ausentis: 1

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Ca:

- a su Comunu de Cabuderra dd' ant assinnau finantziamentus PNRR in s' àmbitu de s' avisu pùblicu prisia n. 48047 de su 2 de su mesi de idas 2021, Missioni 4 – Istruzioni e Circa – Cumponenti 1 – Afortiamentu de s' oferta de is servìtzios de istruzioni: de is asilus niu a is Universidadis – Investimentu 1.1 “Pianu po asilus niu e scolas de s' infàntzia e servìtzios de educatzioni e amparu po sa primu infàntzia”, finantziau de s' Unioni europea – Next Generation EU de parti de su Ministeru de s' Istruzioni e de su Meressimentu, po cumpriri is interventus afatantis:

1. *“Fai una scola materna in localidadi Frutti d'Oro”;*
2. *“Fai una scola materna in bia de Serpentara – localidadi Residenza del Sole”;*
3. *“Fai un' asilu niu in bia de Serpentara – localidadi Residenza del Sole”;*
4. *“Fai un' asilu niu in bia F. Piano – localidadi Residenza del Sole”;*

Finantziaus cun 1.615.000,00 èurus a cada unu;

Cunsiderau chi cunforma a su D.L. 77/2021 chi ddi nant decretu “semplificazioni” bolint bandias is garas de apaltu imperendi una Tzentrali de Cumitèntzia cualificada;

Bida sa comunicatzioni prisia N.0106751 de su 16/12/2022 de su Ministeru de s' Istruzioni e de su Meressimentu, cun ogetu Agiudu tècnicu-operativu Invitalia po acoitai is interventus PNRR – M4C1 I 1.1 *“Pianu po asilus niu e scolas de s' infàntzia e servìtzios de educatzioni e amparu po sa primu infàntzia”*, chi at comunicau su cumentzu de parti de Invitalia de protzeduras de Acòrdiu Cuadru a favoru de is Entis Localis – Sugetus esecutoris po permiti de allestrai is interventus de s' investimentu in ogetu;

Ca ddoi at sa disponibilitadi de sa Tzentrali de Cumitèntzia Invitalia a cumentzai is protzeduras de Acòrdius cuadru, cunforma a s' art. 54 e 60 de su decretu legislativu n. 50/2016, cun ogetu duas tipologias de acòrdiu:

- ✓ Acòrdius Cuadru sceti po s' afidamentu de traballus po interventus chi sa suma a basi de asta siat paris o prus arta de 500.000,00 èurus;
- ✓ Acòrdius Cuadru po s' afidamentu traballus in apaltu integratu asuba de sa basi de su progetu definitivu po interventus cun suma apretziada a basi de asta siat paris o prus arta de 1.000.000,00 de èurus.

Is protzeduras de afidamentu ant a essi aprontadas de Invitalia in cabu de su mesi de martzu 2023;

Espressada s' adesioni a s' acòrdiu cuadru sceti po s'afidamentu de is traballus promòviu de su Ministeru de s' Istruzioni e de su Meressimentu, ca est un'atzioni chi serbit po sa punna de afidai is traballus in cabu de su 31 de su mesi de maju 2023, data stabilida de su pròpiu Ministeru;

Arriciu parri a favoru de regularidadi tècnica cunforma a s' art.49, puntu 1, de su D.lgs. n. 267/2000 de parti de su Responsàbili de su Setori Traballus Pùblicos Ing. Enrico Concas;

Cun votatzioni a totòmini cunforma a sa lei,

DELÌBERAT

S' adesioni a s' acòrdiu cuadru cunforma a is artìculus 54 e 60 de su D.lgs.vu n. 50/2016, promòviu de su Ministeru de s' Istruzioni e de su Meressimentu po s' afidamentu de is traballus - M4C1 Investimentu 1.1 PNRR - *"Pianu po asilus niu e scolas de s' infàntzia e servìtzios de educatzioni e amparu po sa primu infàntzia"*;

De incarrigai a su Responsàbili de su Setori n. 1 de nc' adotai totu is atus chi serbint po s' adesioni a s' Acòrdiu Cuadru chi pertocat sa Mesura 4 Cumponenti 1 Investimentu 1.1 de su Pianu Natzionali de *Ripresa e Resilienza*, dae parti de INVITALIA SpA;

De donai dèlega a su Sìndigu po sa sutascritzioni de is atus pertocantis;

De donai atu chi cun votatzioni a parti si deccarat in vigèntzia custa deliberatzioni, cunforma a s'art. 134, puntu 4, de su D.Lgs. 18 de austu 2000, n. 267.
